

定鄉小識卷十二

錢塘張道少南

山水記<sup>十</sup>附石門河

石門河 宋史蘇軾傳軾知杭州浙江潮自海門東來勢如雷霆而浮山峙於江中與漁浦諸山犬牙相錯洄洑激射歲敗公私船不可勝計軾議自浙江上流地名石門竝山而東鑿爲漕河引浙江及溪谷諸水二十餘里以達於江又竝山爲岸不能十里以達龍山大慈浦自浦北折抵小嶺鑿嶺六十五丈以達嶺東古河浚古河數里達於龍山漕

定鄉小識卷十一

一

河以避浮山之險人以爲便奏聞有惡軾者力沮之功以故不成蘇轍東坡先生墓誌銘元祐四年公以龍圖閣學士知杭州浙江潮自海門東來勢如雷霆而浮山峙於中與漁浦諸山犬牙相錯洄洑激射歲敗公私船不可勝計公議自浙江上流地名石門竝山而東鑿爲運河引浙江及谿谷諸水二十餘里以達於江又竝山爲岸不能十里以達於龍山大慈浦自浦北折抵小嶺鑿嶺六十五丈以達於嶺東古河浚古河數里以達於龍山運河以避浮山之嶮人皆以爲便奏聞有惡公成

功者會公罷歸使代者盡力排之功以不成施宿  
蘇詩注浙江潮自海門東來勢如雷霆而浮山峙  
於江中與漁浦諸山犬牙相錯河汭激射歲敗公  
私船不可勝計前知信州侯臨葬親杭之南蕩往  
來相視地形反復講求建議自浙江上流地名石  
門竝山而東鑿爲運河引浙江及谿谷諸水二十  
二里以達於江又竝山爲岸凡八里以達於龍山  
之大慈浦自浦北折抵小嶺鑿嶺六十五丈以達  
於古河浚古河四里以達於龍山運河以避浮山  
之嶮人皆以爲便時公與前轉運使葉溫叟轉運

定鄉小識卷十一

二

判官張璠同往按視如臨言遂奏疏以聞乞令三  
省看詳支賜錢物委臨監督而公以是月召還役  
竟不成春渚記聞元祐中先生指東坡以內相出典  
杭州水官侯臨相繼出守上饒以嘗渡江敗舟於  
浮山遂陰畫回江之利以獻從公相視其宜一自  
富陽新橋港至小嶺開鑿以通閑林港或費用不  
給則置山不鑿而令往來之舟搬運渡嶺由餘杭  
女兒橋港至郡北關江漲橋以通運河一自龍山  
閘西出循江過六和寺由南蕩朱橋港開石門平  
田至廟山然後出江道二十里至富陽公詩坐陳

三策本人謀又云上饒使君更超軼坐睨浮山如  
累塊知所議出於侯也乞於朝已得請而公入爲  
翰林承旨林子中爲代有諛者言龍山姥嶺正犯

太守身因寢其議

長公外紀公在杭州開石門河  
已得請而林子中爲代諛者言

今鑿龍山姥嶺正犯太守身故  
寢其議按此條與春渚紀聞同

石門在黃山巖今呼石門塢去富陽城二十里  
春渚紀聞所云開石門平田至廟山然後出江  
道二十里至富陽正在江之上流宋時屬錢塘  
今爲富陽管轄今以東坡開河狀道里形勢計  
之大約其河自廟山江口引入石門平田東過

定鄉小識卷十一

三

算帳嶺竝山東行過社井諸山經風水洞曇山  
折而東南行過界頭山穿界頭鯉魚兩山之間  
以抵石龍山自石龍山前東過凌溪遶定山之

陰

定山宋時半突出  
江中故必遶其陰

經定南山出桑柳畝東逕

象山折而北東緣橫山口一路

卽宋時稱  
南蕩山者

迤邐

東趨復向南抵牛坊嶺嶺島凌江不克開鑿於  
是遂引河入江狀所云自浙江上流地名石門  
竝山而東或因斥鹵棄地鑿爲運河引浙江及  
谿谷諸水二十二里以達於江是也谿谷者卽  
凌溪桑柳溪橫山諸溪其達江或因朱橋浦洩

水處也自石門至朱橋港凡二十餘里正與狀  
合所云斥鹵棄地指楊村浮山鹽場言也於是  
由牛坊嶺而東凡范村徐村以至六和塔臨江  
皆危厓峻嶺濬鑿無所施力則竝江築隄榭竹  
園石以障之而引河流入於進龍浦即大慈浦  
進為龍山故名大慈山塢水所出也狀所云又竝江為岸度潮水  
所向則用石所不向則用竹木凡八里有奇以  
達於龍山之大慈浦是也自牛坊嶺至進龍浦  
隄江岸山河勢直趨無有紆曲故道里與今正  
符於是由進龍浦而入遶白塔嶺之陰俗呼為烏龜山

定鄉小識卷十二

四

北行抵五子嶺

嶺一名樵歌嶺平坦而短故云小嶺虎跑大慈山塢達江干路必

此由卽春渚紀聞所云姥嶺

從公官李友諒歸錢塘

詩云公隄不改作姥嶺行開新幽夢隨子去松  
花落衣巾蓋公倦倦新河猶欲來杭州成此志  
也詩中姥嶺與春渚紀聞語合王注乃云姥嶺  
則天姥山其陋如此查慎行曰咸淳臨安志龍  
山有姥嶺公意言若得嶺下為大慈山塢徑道  
再至杭當復開此嶺也

漸高河無所容故鑿嶺以通於南引河東逕阿

育王山支麓以洩於江干之貼沙河

即古河今已堙塞但

如溝形

狀所云自大慈浦北折抵小嶺下鑿嶺六

十五丈以達於嶺東之古河是也於是由貼沙  
河以注於渾水埗之運河同流入城即今江干裏狀

所云古河稍加浚治東南行四里有奇以達於  
今龍山之運河是也其道里形勢之可指者有  
如此惜乎山川名蹟古今各殊宵人忌功役復  
不就而東坡狀中石門大慈僅記始訖中間山  
水隳枯不明所上地圖無有傳本石門之地遂  
終湮沒而後人志乘從未書載別標何其畧也  
今胡氏索搜不得強以進龍浦之石門當之其  
定鄉雜詠注云石門諸傳志不詳所在陸次雲  
湖孺雜記進龍浦下有石門進此者每爲伏弩  
所射以證坡公開河狀其地正相合云攷陸氏

定鄉小識卷十一

五

雜記六和塔條云進龍

原作  
灌譌

浦下有鐵嶺關說

是宋江藏兵處有石門進此者每爲伏弩所射  
是說蓋委巷鄙談本不足爲左證況自石門至  
大慈浦凡三十里有奇狀中自某達某指如畫  
掌而乃以爲自浦中石門發軔顛倒舛迕誰其  
信之且是石門爲關而造以石築門端由人力  
竝非地名而浦居浙江下流尤難避嶮胡氏於  
道里形勢胥未攷鏡遽云與狀相合然則東坡  
風水洞詩有云泉幽瀉石門亦可云石門在風  
水洞耶又楊升庵蘇隄記作石門山記云公又

欲鑿石門山運河以避浮山之險當時妒者盡力排之蓋以石門竝山之語而譌也石門運河本未開濬無關山水不宜列入但王氏玉海紀元中於歷代未用年號一體詳載今仿其例附卷末

蘇軾

乞相度開石門河狀

臣謹按史記秦始皇三十六年東游至錢塘浙江水波惡乃西百二十里從狹中渡始皇帝以天下之力徇其意之所欲出赭山橋海無難而

一本此下有獨

定鄉小識卷十一

六

字畏浙江水波惡不敢逕渡以此知錢塘江天下之險無出其右者臣昔通守此邦今又忝郡寄二十年間親見覆溺者無數自溫台明越往來者皆由西興徑渡不涉浮山之險時有覆舟然尚稀少自衢睦處婺宣歙饒信及福建路八州往來者皆出入龍山沿沂皆江江水灘淺必乘潮而行潮自海門東來咸淳志引作潮勢若雷霆而浮山峙於江中湖山便覽引作與漁浦諸山相望犬牙錯入以亂潮水洄洑激射其怒百一本倍沙磧轉移狀如鬼神咸淳志引作往往於洲一本潭中湧出陵

阜十數里旦夕之間又復失去雖舟師榜一本作

志引人不能知其深淺以故公私坐視咸清志引

作漁覆溺無如之何老弱叫號求救於湍沙之門此下有舟

字船二聲未及終已爲潮水卷去行路爲之流涕而已縱

有勇悍敢往之人又多是盜賊利其財物或因而

擠之能自全者百無一二性命之外公私忘失不

知一歲凡幾千萬而衢睦等州人眾地狹所產五

穀不足於食歲常漕蘇秀米至桐廬散入諸郡錢

塘億萬生齒待上江薪炭而活以浮山之險覆溺

留礙之故此數州薪米常貴又衢婺睦歙等州及

定鄉小識卷十一

七

杭之富陽新城二邑公私所食鹽取足於杭秀諸  
場以浮山之險覆溺留礙之故官給腳錢甚厚其  
所亡失與依託風水以侵盜者不可勝數此最其  
大者其餘公私利害未可以一二遽數臣伏見宣  
德郎前權知信州軍州事侯臨因葬所生之母於  
杭州之南蕩往來江濱相視地形訪聞父老參之  
舟人反復講求俱得其實建議自浙江上流地名  
石門竝山而東或因斥鹵棄地鑿爲運河引浙江  
及谿谷諸水凡二十二里有奇以達於江又竝江  
爲岸度潮水所向則用石所不向則用竹木凡八

里有奇以達於龍山之大慈浦自大慈浦北折抵小嶺下鑿嶺六十五丈以達於嶺東之古河

一本此下

有因字

古河稍加浚治東南行四里有奇以達於今

龍山之運河以避浮山之險度用錢十五萬貫用捍江兵及諸郡廂軍三千人二年而成臣與前轉運使葉溫叟轉運判官張璠躬往按視皆如臨言凡福建兩浙士民間臣與臨欲奏開此河萬口同聲以爲莫大無窮之利臣縱欲不言已爲眾論所迫勢不能默己臣聞之父老章獻皇后臨朝日以江水有黃天蕩之險內出錢數十萬貫築長蘆起

僧舍以拯溺者又見先帝以長淮之嶮賜錢十萬貫米十萬石起夫九萬二千人以開龜山河今浮山之嶮非特長蘆龜山之比而二聖仁慈視民如傷必將捐十五萬緡以平此積嶮也謹昧死上臨所陳開石門河利害事狀一本及臣所差觀察推官董華用臨之說約度工料及合用錢物料狀一本并地圖一面伏乞降付三省看詳或召臨赴省面加質問仍乞下本路監司或更特差官同共相視若臣與臨言不妄乞自朝廷擘畫支賜錢物施行臣觀古今之事非知之難言之亦易難在成之

而已臨之才幹眾所共知臣謂此河非臨不成伏望聖慈特賜訪問左右近臣必有知臨者乞專差臨監督此役不惟救活無窮之性命完惜不貲之財物又使數州薪米流通田野市井詠歌聖澤子孫不忘臣不勝大願謹錄奏聞伏候敕旨

狀為元祐六年二月所上與相視新河詩皆在其時而東坡即以是年寒食去郡林希代之極力沮排役竟不果侯臨字敦夫嘗知岷縣

志 葉溫叟字澹老鹽官人嘉祐二年進士

馮興府

詩合注續通鑑長編元祐六年正月兩浙路轉運副使葉溫叟為主客郎中先生作詩時尚在

定鄉小識卷十二

九

浙江又溫叟為先生同年見避暑錄話按此時溫叟已內擢故東坡狀有前字

張璠字

全翁安陸人他書璠或作濤非是攷全翁宦杭

日時與東坡游覽山水故相河之役同赴

其同游

韜光題名云蘇軾張璠楊傑王瑜元祐五年二月二日同游韜光又龍井題名云元祐庚午辨才老師年始八十道俗相慶施千袈裟飯千僧七日而罷眉山蘇軾子瞻洛陽王瑜中玉安陸張璠全翁九江周燾次元來餽茗二月晦日書又龍華寺題名云蘇軾王瑜傑張璠同游龍華元祐五年歲庚午三月二日題又麥嶺題名云蘇軾王瑜傑張璠過麥嶺

查慎行蘇詩補注咸淳臨安志全翁作金翁施

氏王氏諸刻本作全者譌本集有與張秉道同相視新河詩施注云即張璠則金翁乃其別號

未可知耳馮應榴蘇詩合注張璠先以朝奉大夫爲京東路轉運判官見續通鑑長編元祐元年七月又五年七月侍御史孫升言兩浙轉運判官張璠違法徇私詔別與差遣又按東坡倅杭時有仁和令徐璠字全父則正與張名字同義查氏云作金者譌又按宋安陸王得臣塵史其書多言鄉邦掌故有云安陸郡城枕湏水張全公朝議與余泊土人僧俗同列狀以訴於州乞置水約又云張全昌朝議爲余言曰潞州有一農夫五世同居云云又云余里光祿卿張君靖年六十六致仕其子朝請大夫璠任京東提刑年六十九致仕皆康甯無疾據此知璠本字全昌後乃更全翁耳公應翁之譌

蘇軾

與葉涇老侯敦夫張秉道同相視新河秉道有詩次韻二首

君不見元帥府前羅萬戟濤頭未順千弩射至今  
鳳凰山下路長借一箭開兩翼我鑿西湖還舊觀  
一眼已盡西南碧又將回奪浮山險千艘夜下無  
南北坐陳三策本人謀惟留一諾待我畫老病思

歸真暫寓功名如幻終何得從來自笑畫蛇足此  
事何殊食雞肋憐君嗜好更迂闊得我新詩喜折  
屐江湖羸了我竟歸餘事後來當潤色一庵閑卧

馮云七集本  
續集作挂譌

洞霄宮井有丹砂水長赤

荆溪父老愁三害下斬長蛇本無賴平生倔強韓

退之文

馮云七集本  
續集作識譌

字猶爲鯉魚戒石門之役萬

金耳首鼠不爲吾已隘江湖開塞古有數兩鵠飛  
來告成壞勸農使者非常人一言已破黎民駭上  
饒使君更超軼坐睨浮山如累塊髯張乃我結襪  
生詩酒淋漓出狂怪我作水衡生作丞他日歸朝

定鄉小識卷十一

十一

同此拜

按舊志僅引開河奏此二詩從未著錄今特檢  
蘇集補諸施氏注云勸農使者非常人謂溫叟  
上饒使君更超軼謂侯臨也淳老溫叟字敦夫  
侯臨字張秉道乃吳興六客之一時客於杭也  
髯張指秉道公送襄陽從事李友諒歸錢塘詩  
云髯張旣超然老潛亦絕倫亦指秉道王注云  
髯張老潛李子皆杭州人髯張不知爲誰真乃

夢夢

馮應榴曰先生有辛未離杭至潤別張弼  
秉道臨江仙詞一闕首云我觀髯張歸去

好末云君王如仙問結襪賴王生惟作張弼與  
施主作張璠不同按璠字全翁弼字秉道是兩

正	爲	云	若	名	河	游	客	呼	人
駁	秉	施	施	璠	詩	西	之	髯	坡
	道	氏	字	施	湖	湖	一	張	詩
	張	只	秉	注	詩	詩	時	其	於
	璠	云	道	云	題	客	非	溫	
	字	澹	吳	卽	注	於	運	叟	
	也	老	興	張	云	杭	判	稱	
	查	溫	六	璠	本	竝	更	使	
	以	叟	客	於	集	不	可	者	
	此	字	之	送	有	以	知	侯	
	强	敦	一	李	與	爲	況	臨	
	坐	夫	則	友	張	卽	施	稱	
	施	侯	牽	諒	秉	張	注	使	
	氏	臨	合	詩	道	璠	但	君	
	馮	字	實	注	同	至	云	而	
	氏	而	由	云	相	查	吳	秉	
	亦	未	查	髯	視	氏	興	道	
	不	嘗	氏	張	新	於	六	只	

定鄉小識卷十二

定鄉小識卷十二